





投筆集

金陵秋興一之一

次草堂韻己亥初一日作

龍虎新軍舊羽林八公草木氣森森樓船蕩日三江湧石馬

嘶風九域陰掃穴金陵還地肺埋口紫塞慰天心太白樂府詩云應口

晴紫塞上埋長干女唱平遠曲萬戶秋聲息擣砧

一之二

雜口橫戈倒載斜依然南斗是中華金銀舊識秦淮氣雲漢

新通博望槎黑水游魂啼草地白山新鬼哭口茄十年老眼

重磨洗坐看江豚蹴浪花

一之三

天火西流漢再暉金風初勁朔聲微溝塹羯內那堪鬻竿鞋

口頭豈解飛高帝旌旗如在眼長沙子弟肯相違名王俘馘

生兵盡敢道秋高牧馬肥

100	投筆集	冊 1	國
4769	台	書	號 6924

一之四

九州一失算殘棋幅裂區分信可悲局內正當侵劫後人間  
都道爛柯時住山獅子頻申久起陸龍蛇椒挾遲賭罷乾坤  
方斂手推枰何用更尋思

一之五

壁壘參差疊海山天兵照雪下雲開生口八部憂懸首死口  
千秋悔入關偽入關東人至今傳之箕尾廓清還斗極鷄頭送  
喜動天顏枕戈席藁孤臣事敢擬逍遙供奉班

一之六

戈船十萬至吳頭太白茫寒入月秋太白口無人云太白入  
狀肥水共傳風鶴警臺城無那紙為愁白頭應笑皆違豕黃  
口誰容作海鷗為報新亭垂涕客卻收殘淚覽神州

一之七

鈴索驚傳航海功秋宵蠟炬并梧中馮夷怒激前潮鼓颶母  
歡催後鷁風蛟吐陣煙掀浪黑猩殷袍血射波紅秦淮賣酒  
唐時女醉倒開元白髮翁白鶴作鶴

一之八

金刀復漢事逶迤黃鵠俄傳反覆陂鴻隙陂謠曰反乎覆武  
庫再歸三尺劍孝陵重長萬年枝天輪只傍丹心轉日駕全  
憑隻手移孝子忠臣看異代武少陵諸將入朝歌云周宣漢杜  
陵詩史汗青垂

後秋興二之一

八月初二日

王師橫海陣如林士馬奔馳甲仗森戒備偶然疎壁下偏師  
何意潰城陰憑將按劍申軍令更挿鞞刀做士心野老更關  
愁不寐誤聽刁斗作秋砧

二之二

羽檄橫飛建旆斜便應一戰決口華戈船迅比追風驟戎壘  
高于貫月槎編戶爭傳歸漢籍死聲早已入口茄江天夜報  
南沙火簇簇銀燈滿盞花

二之三

龍河漢熾散沈暉萬歲樓邊候火微卷地樓船橫海去射天  
鳴鏑夾江飛揮戈不分旄頭在反旆其如馬首違嚙指奔逃  
看鞞口重收魂魄飽甘肥

二之四

由來國手算全棋數子拋殘未足悲小挫我當嚴做候驟驕  
彼是滅亡時中心莫為斜飛動堅壁休論後起遲換步移形  
須著眼棋于誤後轉堪思

二之五

兩戒關河萬里山京江天塹屹中間金陵要莫南朝鼎鐵甕

須爭北顧關應以縷丸臨峻坂肯將傳舍抵孱顏荷鋤父老  
雙含淚愁見橫江虎旅班

二之六

吳儂看鏡約梳頭野老壺漿潔早秋小隊誰教投刃去口兵  
翻為倒戈愁營卒從諸酋者皆袖細爭言殘口同江鼠末有  
北鼠渡江之異中擅帽未及倒戈而還京口偏師初破竹塲船木  
近皆啣尾而北忍見遺黎逐海鷗

二之七

十載傾心一旅功御槍原廟夢魂中南內舊藏高每思撤豆  
添營壘更欲吹毛布雨風淮水氣連天漢白鍾離雲捧帝車  
紅南宮圖頌丹鉛在辜負秋忠老禿翁

二之八

艱難恢復勢逶迤蟻穴何當潰澤陂駝馬已臨迤北路礮車

猶護向南枝雷驚犀象牙方長雨送蛟龍宅屢移最喜伏波能振旅後是全軍而返殿封侯印佩許雙垂

後秋興三之一夜渡惜別而作舟

負戴相攜守故林緒經問織意蕭森疎疎竹葉晴窓雨落落梧桐小院陰白露園陵中夜淚青燈梵唄六時心憐君應是齊梁女樂府偏能賦藁砧

三之二

丹黃狼籍鬢絲斜廿載間關歷歲華取次鐵圍同血道幾層銀浦共仙槎吹殘別鶴三聲角迸散棲烏半夜笳錯憶窮秋是春盡漫天離恨攪楊花

三之三

北斗垣墻闇赤暉誰占朱鳥一星微破除服珥裝羅漢姚神武有先裝五百羅漢之議內為減損齋鹽餉飲飛娘子繡旗營壘余盡索以贖之始成一軍

倒阮張定西謂阮姑娘吾當汝捉刀侍柳夫人將軍鐵稍鼓音違戰死崇八月神武鬚肩男子皆臣子秦越何人視瘠肥

國未書云三之四

閨閣心懸海宇棋每于方罫繫歡悲乍傳南國長驅日正是西窓對局時漏點稀憂兵勢老燈花笑落子聲遲還期共覆金山譜桴鼓親提慰我思

三之五

水擊風搏山外山前期語盡一杯間五更噩夢飛金鏡千疊愁心鑠玉關人以蒼蠅汗白璧天將市虎試朱顏衣珠曳綺留都女羞殺當年翟第班

三之六

歸心共折大刀頭別淚關千誓九秋皮骨久拌猶賁死丁亥歲有

和東坡西容顏減盡尚餘愁  
摩天肯悔雙黃鵠  
帖水翻輸兩白鷗  
更有閒情攬腸肚  
為余輪指莫并州

三之七

此行期奏濟川功  
架海梯山抵掌中  
自許揮戈迴晚日  
相將把酒話春風  
牆頭梅蕊疏窗白  
甕面葡萄玉盞紅  
一割忍忘歸隱約  
少陽元是釣魚翁

三之八

臨分執手語逶迤  
白水旌心視此陂  
一別正思紅豆子  
雙棲終向碧梧枝  
盤周四角言難罄  
局定中心誓不移  
趣覲兩宮應慰勞  
紗燈影裏淚先垂

後秋興四之一

中秋夜江村無月而作

浙浙斜風回隔林  
悲哉秋氣倍蕭森  
過禽啁啾銜兵氣  
宿鳥離披逗暝陰  
人倚片雲投海角  
天收圓月護波心  
今宵思婦

偏悽緊幸少清光照夕砧

四之二

穴紙江風吹面斜  
槿籬門內尚中華  
蒼涼伍員蘆中客  
浩蕩張騫漢上槎  
弦急撞骨懸杆白  
火炎衝耳簇蕭茄  
刀尖劍吹情騰度  
瞪目猶飛滿眼花

四之三

牛背寒鴉却夕暉  
夜烏啼罷暗蛩微  
酒醒乍訝孤燈爆  
夢斷猶驚折翼飛  
貝闕珠宮何處是  
漁莊蟹舍與心違  
祇應老似張丞相  
捫摸殘骸笑瓠肥

四之四

身世渾如未了棋  
桑榆策足莫傷悲  
孤燈削柿丸書夜  
閒道吹簫乞食時  
暮雨蘆中雙槩急  
月明江上片帆遲  
荒雞喚得誰人舞  
只為衰翁攬夢思

四之五

石龜懷海感崑山二老因依板蕩間最好竹枝歌一曲共憐  
荷葉限雙闌三年章武紆殘淚半字開元慰別顏攜手行宮  
應有日看君重點日華班

四之六

銀輪只在屋西頭一掌偏能障好秋剪紙不消人世暗撥灰  
難掃月宮愁黑雲有壘迷烏鵲金水無波洗白鷗最是三分  
明月夜二分應不屬揚州

四之七

幡沉竿折好論功願借前籌玉帳中夜渡放螢然堠火宵征  
依鵲嘯檣風鬢稀尚要千行白心折惟餘一寸紅莫忘指麾  
淮蔡語天津橋畔倚欄翁

四之八

菰鄉蘆渚路逶迤竹杖迢迢度葛陂陌柳未舒離別緒庭梧  
先曳却迴枝逢危只仗心魂過路秀才容脚指移莫道去家  
猶未遠朝來衣帶已垂垂

後秋興五之一

中秋十九日暫  
回村庄而作

三匝驚鳥未出林危柯荒楚鬱蕭森一區環堵方朝雨四野  
穹廬尚夕陰自喪亂來餘破膽除君父外有何心石城又報  
重圍合少為愁腸緩急砧

五之二

未忝離離蘆荻斜裏頭遺老問京華共傳淮水吹商律却指  
張星問漢槎宛轉牛欄通夜柝參差牧笛咽霜茄濁醪更酌  
鄰雞下挂壁龍身夜吐花

五之三

五嶺三湘告景暉西方誰謂好音微烏瞻華屋謀重止燕語

雕梁悔別飛妖鼠浮江石地改歲星去國報天違高曾奕葉  
恩波在忍忘乘軒與策肥

五之四

起手曾論一著棋明燈空局黯生悲蕭疎齒髮凋殘日突兀  
乾坤賭賽時海水怒飛龍起急天梁橫截雁來遲盤銀大有  
中原約酌酒加餐慰爾思

五之五

警蹕遙聞出楚山奮飛直欲詣行間荒塚木葉誰家戍淺水  
蘆花何處關未得星馳追御宿祇應露布浣愁顏腐儒錯莫  
從人笑遲暮猶論耿鄧班

五之六

頭白那禁更白頭况逢秋月又添秋笛飛瓜步空傳恨刀翦  
吳淞始斷愁半壁東南餘虎兕百年臣子總覓鷗兔園斷爛

芝蔴鑑臨極猶聞起一州

五之七

亂流深惜濟川功靜嘯悲吟土室中策杖却追夸父日扁舟  
還載庶人風戎戎山雨蒙頭白颯颯漁燈過影紅秋老夜深  
龍睡熟河邊無恙緯蕭翁

五之八

孤蓬信宿且逶迤白水柴門還故陂丹桂月舒新結子蒼梧  
雲護舊封枝歌闌長夜秋方盛語到昏間日每移小飲折花  
重剪燭參旗長並酒旗垂

後秋興六之一

九月二日泛舟吳門而作

槎牙枯卉蠹平林刺眼渾疑戰戟森朔氣亘天圍大陸金風  
掠地戰重陰覆蕉野鹿年年夢啼枕吟蛩夜夜心漏盡木魚  
聲策策依然木葉響寒砧

六之二  
愁心落雁共橫斜九月繁霜鬢華淮水尚沉龍虎氣漢津  
猶隔斗牛槎夜闌魚蟹篝中火日夕牛羊墪上茄徙倚東籬  
難撥悶判將竹葉負黃花

六之三  
秋陽黯澹比寒暉硯匣書牀生事微蕭悞霜前新燕去愆櫺  
日隙凍蠅飛吹葭自候雷風動煉石誰堵天水違躍馬揮戈  
竟何意相逢應笑食言肥

六之四  
棋罷何人不說棋閑愆覆較總堪悲故應關塞蒼黃候未是  
天公皂白時火井角芒長啾啾日宮車輦每遲遲腐儒未許  
楸枰譜三局深慙塵帝思

六之五  
十年戎馬暗青山自竄江村水島間錯置漁灣排信地橫裁  
虎落抵重關兵殘蝸角頻搔首樂闕龍宮一破顏倚杖步擔  
還失笑天街昂畢若為班

六之六  
黃葉紛飛溝水頭白雲蕭瑟自高秋餘年且問雞豚社故國  
空餘稻蟹愁匣裡兵符憑語雀鏡中衰髮亂羣鷗荒陂誰惱  
眠鵝鴨午夜喧聲似蔡州

六之七  
全軀喪亂有何功雀賃餘生大造中心似吳牛猶喘月身如  
魯鳥每禁風驚弓旅雁先霜白染血楓林背日紅閑向侏儒  
論世事欲憑長狄扣天翁

六之八  
長吟坦腹笑逶迤清濁誰量千頃陂馬櫪可能墮暮齒鷓棲

聊復揀深枝班荆地上秋風過什表花間日影移要勒浯溪  
須老手腰間硯削為君垂

後秋興七之一

庚子中秋作

八桂蟠根珠樹林蜚煙蠻雨助蕭森天齊星紀連環衛日入  
神光起燭陰交脛百夷齊舉踵貫胸萬國總傾心辛勤爭似  
三桑女歐畫機絲應擣砧

七之二

軒轅邱畔矢欹斜望盡窮山憶翠華却喜九隆歸日馭誰從  
三寶訪星槎願同作鷁扶車輦欲傍旄牛聽鼓茄清酒一鍾  
拌醉倒却如重探杏園花

七之三

重華又報日重暉中路何曾歎式微高廟肅將三天命定陵  
快覩五雲飛即看霧武收京早轉恨親賢授鉞違翹首南天

頻送喜丹魚紅蟹亦爭肥

七之四

破碎江山惜舉棋斜飛一角總堪悲可憐紙上楸枰局便是  
軍中畫笏時帳殿咨嗟如風昔芒鞋奔赴轉稽遲誰將姑婦  
中宵語借箸從容啓睿思

七之五

扶桑高柱大荒山交會朱明在此間神向南條迴地絡帝于  
北戶啓天關雨疎象跡周巖警日射蛟涎展御顏五服諸侯  
休後至司徒先領入朝班

七之六

星星斷髮不遮頭霜鬢何須怨凜秋攬鏡頻過五嶺路挽眉  
長縮九疑愁山家寨柵憑麋鹿海戶提封畫鷺鷗莫指職方  
論徵塞炎州今日是神州

七之七  
棧鍾掘地報成功王氣還占牛斗中  
八日自應歸出日朔風  
那許禁火風連雲法從龍身黑照水神燈魚眼紅開向竹書  
論運命寒窓絕倒白頭翁

元戎師律整逶迤誓旅先期度芍陂  
一柱補天搭大厦九陽  
浴日選高枝名王獻馘圖新繪  
叛帥焚屍檄久移薄海兒童  
知李令肯教唐史獨昭垂

後秋興八之一庚子陽月初一日  
拂水山莊拜墓作  
短棹輕蓑黃葉林天涯戰戟自森森  
朝陽已躍南離日晝靄  
猶停北陸陰笛裏關山岸昔夢燈前兒女負初心  
遐荒巡守無消息樹樹啼烏夜夜砧

八之二  
秋風撼撼帽簷斜野老籬前數物華  
青鏡百年雙白鬢黃河  
千里一孤槎挽回兵氣霜前雁吹動雄心日暮茄  
有客經過論漢史西京曾記上林花

八之三  
水國冥濛秋日暉渚宮行殿遠霏微  
巡迴每歎林烏宿促數  
頻看社燕飛戰決蟻封多勝負卜占雞骨少從違  
頻年射獵無朋侶贏得高原雉兔肥

八之四  
撼戶秋聲剥啄棋驚心局內轉傷悲  
每于典籍論終古只道  
坤乾似昔時已破關河惆悵在  
未招魂魄却迴遲長明燈上  
諸天近時有空音答仰思

八之五  
滄江茅屋舊家山身與秋雲共數間  
三卷陰符留麥飯一丸

函谷掩柴關黃沙馬草羞垂涕白首鷹揚笑駐顏夢到紅雲  
深殿裏玉皇新點侍宸班

詩八之六

溝水流離似龐頭踈離斷約不禁秋關心風月鈎牽恨開眼  
江山挾帶愁龍鬪捐天悲穴鼠鳶飛跼水羨眠鷗茫茫禹跡  
無憑准自剔殘燈畫九州

詩八之七

配天列聖萬年功弓劍衣冠覆載中赤羽九鳥齊捧日白翎  
一鳥亦呼風金山御氣千年紫銀海神燈乙夜紅看盡諾臯  
應拊手官家終古屬劉翁

詩八之八

江村隈隩水逶迤白首長吟憶漢陂隴鳥踈慙温漢語林鳥  
密葉棟南枝狐鶩篝火鳴呼數犬直傳更戍守移莫笑牧兒

思曲盡夢關腰帶有魚垂

後秋興九之一

庚子十月

桂樹參差覆羽林天容玉冊自森森甘淵定有長生日冥谷  
終無不散陰命將出車小雅頌磨厓刻石老臣心和盛事  
看圖畫函簿前頭夾芥砧

九之二

規外星辰落落斜參旗井鉞建高華洱河北上通雲漢遼水  
東迴接海槎嘯月崩猿催畫角嘶風口馬咽哀茄吳儂莫向  
天南笑鐵樹頻年已放花

九之三

開元三葉正流暉桂社梧封應紫微追急稻畦鳩杖拍寢甘  
榕殿鳥工飛五銖當復神咸許十世將興帝不違日角共傳  
如烈祖遐方遙喜御容肥

九之四  
三陳彫殘御製棋祖宗瞻顧不勝悲可知仙仗巡遊日還是  
鈞天謁請時八樹分茅朱噉永六龍擁駕赤鳥遲殊方未及  
櫻桃薦寢廟應深白露思

九之五  
徼外行宮隔萬山朱光只在兩河間可令未派龜魚種却踞  
中原虎豹關槃木日來歌漢德哀牢先許識天顏于今垣市  
無推步雲漢遙瞻鷄首班

九之六  
發兵每歎白人頭况復艱危歷九秋比景即看成內地蘭滄  
能免為他愁衣冠未許羣羌燹國土終難寄海鷗歎息祖宗  
規畫遠西南容易棄交州

九之七  
麟閣今誰第一功康侯三錫在師中洗兵已驗軍前雨仗鉞  
先占夢裏風劔負斗文芒氣白香盤心字篆烟紅元漿飽脯  
相溪切扶杖應憐未死翁

九之八  
舊京城關勢逶迤元武湖清皇子陂玉燕龍宮將數子金燈  
雁塔涌千枝星依御幄垣墻列日按行營次舍移種柳合圍  
同望幸殘條秃鬣總交垂

後秋興十之一  
光風忽漫轉寒林歲旅重光氣蔚森八極地標銅柱界四游  
天覆鐵橋陰關河夜探還宮曲花鳥春迴望帝心長白一山  
仍漢塞十年松漠怨秋砧

十之二  
閣道新移鷄首斜朔南寰宇仰重華星弧日天天王陣鳳蓋

龍舟帝子槎遶海月明傳漢箭榆關秋老斷口茄而今建女  
無顏色奪盡燕支棒奈花

十之三

碧天朗朗見餘暉把酒前除酌太微梁燕睡翻新曲語林鳥  
棲趁急觴飛津河絡角蓬星遠斗斗光芒字氣微却笑帝羈  
成倒載觸醜生少不能肥

十之四

毳帳諠呼夜賭棋朝來勢面枕屍悲那知霧塞颶回候乍見  
天開地裂時草外流人歡服匿御前味尚泣軍遲銜鬚引頸  
多元老哭倒穹廬輟論思

十之五

雲山高築點蒼山異姓勲名李郭間整束交南新象馬恢張  
遠左舊河關蓬蒿茂舍趨行在布帛衣冠仰帝顏鄭璧許田

須努力莫令他日後周班

十之六

辯髮胡姬學裏頭朝歌夜獵不知秋可憐青冢孤魂恨也是  
幽蘭一燼愁街尾北來真似鼠梳翎東去不如鷗而今好擊  
中流楫已有先聲達豫州

十之七

旄頭催滅豈人功太白新占應月中掃蕩沈灰元夕火吹殘  
朔氣早春風揭空鏡鼓催花白攬海魚龍避酒紅從此撐犁  
辭別號也應飛醜賀天翁

十之八

營巢抱繭歎逶迤憑仗春風到射陂日急早時論北伐月明  
今夕穩南枝鞍因足弱攀緣上檄為頭風拍顧移傳語故人  
開笑口莫因晚晚歎西垂

後秋興十一之一 辛丑歲通除作時自紅豆邨庄  
當風一葉戰曾林撫已孤懷抱鬱森屋老空庭龍壁響聽疎  
隙紙劃燈陰雞豚麥飯荒江淚拒救椒盤故老心垂驚驚迴  
成獨語誰于寒夜搗孤砧

十一之二  
分野條支界畫斜數行朱墨攬中華小樓騁望築車陣故紙  
橫穿鑿空槎醉唱饒歌當伐鼓閑拈蘆管壓吹茄竹牕永夜  
猶焚誦燈火青熒禮白花

十一之三  
冬日荒涼澹夕暉晨光猶喜報熹微潛虬自護滄江臥退鷁  
仍依故國飛捫舌齒牙驚互楫扶頭要領恐相違隻雞近局  
關心處却羨僧園菜把肥

十一之四  
廿載光陰四度棋流傳斷句和人悲冰彫木介侵分候霜戛  
風爭決戰時觚竹懸車徑避舍阜蘭輕騎尚遠遲燈前歷歷  
殘棋在全局悠然正可思

十一之五  
少日囊書坐北山輕狂自喜試兵間殘棋樓櫓思橫海臥馬  
城闌說散關汗竹紆餘淹素髮寒松孤直伴蒼顏白顛未了  
書生債昔夢長隨漆管班

十一之六  
年年楚尾望吳頭四序平分總是秋赤羽黃塵猶未淨青陽  
白髮不須愁漏穿地脉餘羣鼠抵拄天吳仗一鷗接戶軍持  
多老衲憑將若箇問添州

十一之七  
開天牛斗首神功分布星辰手掌中八駿未迴西極雪六龍

仍尾大江風南條日駕龜鼉紫北落星摧魚鼈紅數卷殘書  
遺石空斜眉翁與鐵冠翁

十一之八

流年老去付逶迤取次春生僕夜陂才子朱顏歌絳雪佳人  
錦字問瓊枝一龕燈永魚聲靜三疊琴繁鶴舞移莫為牛衣  
頻歎息與君容易鬢絲垂

後秋興十二之一

壬寅三月二十二日  
後大臨無期泣而作

滂沱老淚灑空林誰念滄浪訴鬱森  
墨穴算晴陰皇天那有重開眼上帝初無悔亂心何限朔南  
新舊鬼九疑山下哭霜砧

十二之二

焦中昏黑豆田斜猶望殷憂啓帝華  
川斷不通槎關山月暗三年笛草木風腥四面笳庭際石榴

紅綻血可憐猶是日南花

十二之三

凌晨野哭抵斜暉雨怨雲愁老淚微  
那得見霜飛廿年薪膽心猶在三局楸枰算已違完卵破巢  
何限恨銜泥梁燕正爭肥

十二之四

百神猶護帝臺棋敗局今成萬古悲  
行殿執鞭時忍看末劫三辰促苦恨孤臣一死遲惆悵杜鵑  
非越鳥南枝無復舊君思

十二之五

橘中何地有商山隻影孤拳蓋載間十日焚天人少種九幽  
持地鬼為關詰盤周詰封京觀雕琢淮碑頌伯顏歎息申胥  
重斫後報吳遺策尚班班

重刊十二之六  
飛走都窮瘴海頭而今人說國亡秋食殘鬼母方知苦酒醒  
天公亦解愁戎醜時來皆市虎英雄運去總沙鷗  
君休謂八百終須啓汴州

重刊十二之七

枕戈坐甲荷元功一柱孤擎溟渤中  
整旅魚龍森東伍誓師  
鵝鶴肅呼風三軍編素天容白萬騎朱殷海氣紅  
莫笑長干空半壁葦間還有刺舡翁

重刊十二之八

夷山填海莫逶迤復漢爭如丈尺陂  
故國樓桑團羽蓋上林  
什柳發條枝坐看河鼓雲旗動笑指漸臺斗柄移  
金粟堆前空翠裡金燈猶傍玉衣垂

吟罷自題長句撥悶二首  
壬寅三月九日

孤臣澤畔自行歌爛漫篇章費折磨  
似謎似俳還似讖非狂  
非醉又非魔嘔心自矢才華盡捫腹  
其如倔强何二祖歷宗  
恩養士幾人吟咀淚痕多

其二

不成悲泣不成歌破研還如墨盾磨判  
以餘生供漫興欲將  
秃筆掃羣魔途窮日暮聊為爾髮短心長  
可奈何賦罷無衣  
方卒哭百篇號踊未云多

後秋興十三之一  
自壬寅七月至癸卯五月  
為言繁興  
鼠憂泣血感慟而作  
猶冀言之或誣  
也

地坼天崩桂樹林金枝玉葉痛蕭森  
衣冠雨集支祈鑠閭闔  
風絲紂絕陰醜口貫盈知有日鬼神助  
虐更何心賊臣萬古  
無倫匹縷切揮刀候斧砧

重刊十三之二

海角崕山一線斜從今也不屬中華更無魚腹捐軀地况有  
龍涎泛海槎望斷關河非漢幟吹殘日月是口茄姮娥老大  
無歸處獨倚銀輪哭桂花  
庸蜀經營付落暉宮車消息轉依微空留丹穴從三后無復  
遺言詔六飛馬角烏頭期已誤龍姿虎步讖俱違逆臣遂喜  
猖狂甚趣與然脂照腹肥

十三之四

自古英雄恥敗棋  
鞭刀引決更何悲  
君臣鼃背仍開國  
生死龍胡肯及時  
事去終嗟浮海誤  
身亡猶歎渡河遲  
關張無命今猶昔  
籌筆空煩異代思

十三之五

夢迴猶傍五溪山  
歷井捫參唾霧間  
却指帝星臨楚分  
如聞

王氣滿吳關地翻黑水纜申足天轉青城恨  
破顏辛苦蒼梧舊留守忠魂常領百僚班

十三之六

麻衣如雪白盈頭  
六月霜飛哭幾秋  
兩耳也隨風雨劫  
半人偏抱古今愁  
地開沮洳教魚鳥  
天濶烟波養鷺鷗  
誰上高臺開口笑  
為他指點舊皇州

十三之七

踰沙軼漠百王功  
二祖威稜浩劫中  
高廟石龜時吐雨  
長陵鐵馬夜呼風  
南臨日駕千重紫  
北伐霓旌萬隊紅  
葛藟綿綿周祚遠  
明神豈誑白頭翁

十三之八

敵宮螭窟勢逶迤  
盛浪排波似越陂  
荷鼓虛危新氣象  
白茅青社舊孫枝  
磨刀雨過看兵洗  
船解風來想檝移  
昨夜江天

聊舉足寒芒二八已西垂  
癸卯中夏六日重題長句二首

漫湯長夜獨悲歌  
孤憤填膺空自磨  
敵對災星仍酒伯  
破除愁壘仗詩魔  
逢人每道君休矣  
顧影還訶汝謂何  
欲共老漁開口笑  
帝星何處水雲多

儻心其二  
百篇學杜假為哥  
墨潘頻將清淚磨  
世難相尋如鬼症  
國恩未報是心魔  
射潮伯主吾衰矣  
觀井仙人奈老何  
取次長謠向空澗  
江天雲物為誰多

借本校本校開一過以殊筆今其是日同十梓同日及日下

王原簡是國此詩中五入詩青

